



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-073-5/22**
Datum: **25.04.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ĐUZELIĆ“ d.o.o. Cazin, za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Ostrožac" u naselju Ostrožac, Grad Cazin, na osnovu člana 139. stav (1) tačka 3 i 10. Zakona o vodama („Službene novine Federacije BiH“, broj 70/06) i člana 200. Stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Pravnom licu, „ĐUZELIĆ“ d.o.o. Cazin, daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Ostrožac", na zemljištu označenom kao k.č. broj 1638, 1639, 1640, 1646, 1647 i 1648, K.O. Polje.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu-kamenolomu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da korisnik predmetnog objekta za eksploataciju dolomita na površinskom kopu „Ostrožac“ s pratećim sadržajima u toku važenja ovog Rješenja realizuje radove u skladu sa dostavljenim Glavnim projektom vanjskih hidroinstalacija za kamenolom „OSTROŽAC“ I i II faza, općina Cazin, urađenog od strane „IBIS“ d.o.o. Zavidovići pod brojem 20-IB-G/11, juna 2011. godine, odnosno da:
 - Izvede plato za pranje i servisiranje građevinskih strojeva sa slivnom rešetkom i taložnikom za prijem otpadnih voda sa istog te izvede plato za tankovanje, pranje i održavanje vozila,
 - Da obezbijedi da se voda koja se koristi za obaranje prašine na drobiličnom postrojenju slijeva ka taložniku prije ispusta istih u recipijent,
 - Nabavi i ugradi separator ulja i masti kapaciteta 3,0 l/s te na isti dovede otpadne vode sa površine izgrađenog platoa za pretakanje goriva i održavanje vozila,
 - Da izvede projektovani cjevovod kojim će se, po izgradnji platoa za pranje i servisiranje građevinskih strojeva, iz predviđenog taložnika dovesti otpadne vode na potreban tretman na separator ulja i masti,
 - Da izvede kontrolno-monitoring okno na odvodnom cjevovodu od uređaja za tretman otpadnih voda (separator ulja i masti) ka ispustu u recipijent.
 - 3.3. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
 - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema prema sklopljenom ugovoru.

- 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa internih saobraćajnih i radnih površina nesmetano sakupljaju i odvoze do objekta predviđenog za tretman tehnoloških otpadnih voda (taložnici i separatori ulja i masti), a zatim tretirane vode ispuštaju u recipijent.
- 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.7. Korisnik mora obezbijediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj 26/20 i 96/20).
- 3.8. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
- 3.9. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora, te talog iz taložnika potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.10. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 3.11. U toku izvođenja radova kao i same eksploatacije opasni materijal i otpad se ne smije ni privremeno odlagati na česticu «vodno dobro», odnosno u vodotok i na njegove obale.
- 3.12. Da podnosilac zahtjeva u toku važenja ovog rješenja pribavi urbanističku saglasnost i odobrenje za eksploataciju predviđenog proširenja eksploatacionog polja – faza II.
- 3.13. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi ovoj Agenciji u skladu sa članom 23. stav (1) iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „ĐUZELIĆ” d.o.o. Cazin je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Sl. novine Federacije BiH”, broj 26/20) se daje sa rokom važenja do 19.12.2023. godine.
10. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

12. Uvjet za izdavanje novog vodnog akta je ispunjenje uvjeta navedenih tačkom 3. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i Uredbe o uslovima ispuštanja otpadnih voda u okoliš i sisteme javne kanalizacije.

Obrazloženje

Pravno lice „ĐUZELIĆ“ d.o.o. Cazin, obratilo se ovoj Agenciji dana 15.02.2022. godine zahtjevom za izdavanje vodne dozvole za kamenolom "Ostrožac", na zemljištu označenom kao k.č. broj 1638, 1639, 1640, 1646, 1647 i 1648 K.O. Polje, Grad Cazin, a čije su granice eksploatacionog polja odobrene Rješenjem Federalnog ministarstva energije, rudarstva i industrije, a na kojem se vrši eksploatacija industrijske mineralne sirovine dolomita.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o izmjenama podataka, broj: 017-0-Reg-21-000030, izdano dana 08.01.2021. godine, od strane Općinskog suda u Bihaću,
- Ovjerena kopija Uvjerjenja o poreznoj registraciji, izdano dana 12.11.2002. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/1-UPJR/1-4346-2/07, dana 06.07.2007. godine, u Banjaluci,
- Kopija naloga za plaćanje upravne pristojbe,
- Ovjerena kopija rješenja, kojim se privrednom društvu „Đuzelić“ d.o.o. Cazin odobrava eksploatacija industrijske mineralne sirovine dolomita na eksploatacionom polju „Ostrožac“, kod Cazina, na području općine Cazin; izdano od strane Federalnog ministarstva energije, rudarstva i industrije pod brojem Up/I broj:06-18-120/04 dana 07.04.2004. godine, u Mostaru,
- Ovjerena kopija rješenja, kojim se daje urbanistička saglasnost investitoru „ĐUZELIĆ“ d.o.o. Cazin, sa sjedištem u Cazinu, Ul. Ostrožac 185, za površinsku eksploataciju mineralnih sirovina (kamena dolomita), montažu tehnološke opreme za primarnu i sekundarnu preradu kamena krečnjaka (dolomita), te lociranje i izgradnju objekata za potrebe radnika na kamenolomu „Ostrožac“ (dva tipska kontejnera), na lokalitetu „Čemernica“, u ležištu dolomita „Ostrožac“ kod Cazina, na građevinskom zemljištu u vlasništvu investitora. Eksploataciono polje je površine 20.021 m² (cca 2,0 ha), nepravilnog oblika, okontureno prelomnim tačkama od A do L i koordinatama x i y; izdano od strane Federalnog ministarstva prostornog uređenja i okolice pod brojem UP-I/02/2-23-2-87/03, dana 09.02.2004. godine, u Sarajevu,
- Ovjerena kopija Rješenja, kojim se daje investitoru d.o.o. „ĐUZELIĆ“ Ostrožac, Cazin, vodoprivredna dozvola za eksploataciju mineralne sirovine – dolomita, na lokalitetu „Čemernica (Ostrožac)“ kod Cazina; izdano od strane Kantonalnog ministarstva poljoprivrede, vodoprivrede i šumarstva Unsko-sanskog kantona pod brojem 08-25-3824-UP-1/07 dana 23.04.2007. godine, u Bihaću,
- Ovjerena kopija Rješenja, kojim se izdaje okolinska dozvola investitoru Đuzelić d.o.o. Cazin 77 228 Ostrožac sa sjedištem u Cazinu, za eksploataciju dolomita na lokalitetu „Ostrožac“, općina Cazin; izdano od strane Ministarstva okoliša i turizma pod brojem UPI 05/2-19-5-103/20 FM dana 28.12.2020. godine, u Sarajevu,
- Kopija Ugovora o koncesiji br. KU 024/2005 za istraživanje i eksploataciju dolomita na ležištu „Ostrožac“ u općini Cazin, zaključen sa koncesorom – Kantonalnim ministarstvom privrede Unsko-sanskog kantona dana 18.04.2005. godine u Bihaću pod brojem 01/4-6/05, odnosno brojem 06-18-5768-1/05,
- Glavni projekat vanjskih hidroinstalacija za kamenolom „Ostrožac“ I i II FAZA; urađen od strane IBIS d.o.o. Zavidovići, pod brojem 20-IB-6/11, juna 2011. godine,
- Kopija Rješenja o vodnoj dozvoli, izdanoj od strane Agencije za vodno područje rijeke Save pod brojem UP-I/25-3-40-565-5/16, dana 06.01.2017. godine,
- Kopija Rješenja, kojim se privrednom društvu „Đuzelić“ d.o.o. Cazin, sa sjedištem Ostrožac 185 kod Cazina odobrava izvođenje radova po Glavnom rudarskom projektu eksploatacije dolomita na PK – kamenolomu „Ostrožac“ kod Cazina; izdano od strane Federalnog ministarstva energije, rudarstva i industrije pod brojem Up/I broj: 06-18-785/04, dana 28.10.2004. godine, u Mostaru,
- Izvod iz usvojenog nacrtu prostornog plana općine Cazin (Službene novine općine Cazin, 1/07); izdan od strane Službe za urbanizam i zaštitu okoliša Grada Cazina pod brojem 04-19-2543/2020, dana 26.02.2020. godine,

- Zaključak o visini i roku za plaćanje posebnih troškova, izdano od strane ove Agencije, broj UP-1/21-3-40-073-2/22, dana 04.03.2022. godine, te kopija naloga za plaćanje istih,
- Službena zabilješka broj: UP-1/21-3-40-073-4/22 od 25.04.2022. godine.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Sl. novine Federacije BiH“ broj: 31/15, 55/19 i 41/20), izvršen je pregled lokaliteta kamenoloma "Ostrožac", koji se koristi od strane firme „DUZELIĆ“ d.o.o. Cazin, i tom prilikom sačinjen zapisnik o uviđaju, broj: UP-1/21-3-40-073-3/22 od 18.03.2022. godine, pri čemu je utvrđeno:

Predmetni kamenolom "Ostrožac" je lociran u naselju Ostrožac, Grad Cazin.

Eksploataciono polje je površine 4,3 ha ograničeno prelomnim tačkama označenim kao: A, B, C, D, E, i F koje su definisane koordinatama (x,y), kako je definisano gore navedenim Rješenjem Federalnog ministarstva energije, rudarstva i industrije broj: 06-18-120/04 dana 07.04.2004. godine, kojim se odobrava eksploatacija industrijske mineralne sirovine dolomita unutar eksploatacionog polja „Ostrožac“ kod Cazina.

Dio lokacije tretiran kao faza I obuhvatao je dio II zaštitne zone izvorišta vode za piće „Vignjevići“ (dio k.č. broj 1648, dio k.č. broj 1646 i dio k.č. broj 1640). Izradom Elaborata zaštite izvorišta Vignjevići te usvajanjem Odluke o zaštiti izvorišta vode za piće „VIGNJEVIĆI“ cijeli prostor eksploatacionog polja, kao i predviđeno proširenje kamenoloma, se našlo izvan zaštitnih zona izvorišta vode za piće Vignjevići. Za predviđeno proširenje predmetnog kamenoloma je od strane ove Agencije izdano rješenje o prethodnoj vodnoj saglasnosti.

Granice istražnog polja su odobrene Rješenjem Federalnog ministarstva energije, rudarstva i industrije broj: 06-18-120/04 dana 07.04.2004. godine, kojim se odobrava eksploatacija mineralne sirovine dolomita na eksploatacionom polju „Ostrožac“, a Rješenjem istog ministarstva broj: 06-18-785/04 od 28.10.2004. godine, se dozvoljava izvođenje radova po Glavnom rudarskom projektu eksploatacije dolomita na PK-kamenolomu „Ostrožac“ što je definirano i Ugovorom o koncesiji br. KU 024/2005 za istraživanje i eksploataciju dolomita na ležištu „Ostrožac“ u općini Cazin.

Na predmetnom kamenolomu, u vrijeme izvršenja uviđaja, su postojali slijedeći objekti i mašine/ postrojenja: postrojenje za drobljenje kamenog agregata, postrojenje separacije drobljenog kamena, hidraulični bager, utovarivač, bušaća garnitura te kamion za odvoz kamenog agregata do postrojenja za proizvodnju betona, udaljenog 1,3 km. Na kamenolomu su instalirani kontejneri za ishranu sa prostorom za administraciju.

Na predmetnom lokalitetu, u vrijeme izvršenja uviđaja su vršeni radovi na eksploataciji mineralne sirovine na dvije etaže, dok se na trećoj etaži vrši uklanjanje površinskog sloja jalovine.

Na kamenolomu je izvršen priključak na javni gradski vodovodni sistem za sanitarne potrebe zaposlenih i eventualno obaranje prašine na internim saobraćajnicama. Sanitarne otpadne vode se zbrinjavaju u septičkoj jami.

Oborinske vode sa internih saobraćajnih i parkirnih površina, radnih površina kopa te skladišnih površina frakcija kamenog agregata, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina se najvećim dijelom zadržavaju unutar istražnog polja te slijevaju ka prirodnom jezercu unutar eksploatacionog polja budući da je to najniža tačka na predmetnom prostoru.

Izveden je obodni kanal za prihvatanje oborinskih voda sa okolnog prostora kamenoloma, koji je viši od eksploatacionog polja i sproveden u kanal pristupnog puta.

Voda sa površine platoa za pretakanje goriva i održavanje vozila se sliva u vodosabirnik unutar eksploatacionog polja bez prethodnog tretmana, budući da nije ugrađen predviđeni separator ulja i masti.

Nije izveden plato za pranje i servisiranje građevinskih strojeva niti plato za tenkovanje goriva i pranje mašina.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „DUZELIĆ“ d.o.o. Cazin, ispunio minimum uslova za izdavanje vodne dozvole za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada za kamenolom "Ostrožac", Grad Cazin, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.
Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodenih akata



Hariš Ališehović, dipl. inž. građ.

Dostaviti:

- „DUZELIĆ“ d.o.o. Cazin, Ostrožac 185, 77 220 Cazin
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava